

MAHATSIARO NY TOMPO

 Misaotra anao, Rahalahy Neville. Tena faly ny tonga eto, Rahalahy Neville, sy ny—ny fanararaotra mba hipetraka ato amin’ireto toeran-Danitra ireto indray, ao amin’i Kristy Jesosy. Ary tsy manelingelina ahy mihitsy ny isa, mampientanentana ahy foana izany. Fantatrareo, mihoatra... Mihoatra ny any an-trano kokoa aho rehefa miaraka amin’ny isa vitsy, satria heveriko fa izany ilay Fiangonana. Hia, manana Soratra iray ho an’izany aho, manao hoe, “Aza matahotra, ry Ondry vitsy, fa ny—sitraky ny Rainareo ny hanome anareo ny Fanjakana.” Ary izaho dia...izay ilay Ondry vitsy izay tiako hahavoaisa ahy amin’izany andro izany, ilay anankiray izay Nolazainy hoe, “Aza matahotra.” Ary tena sambatra isika nohon’ny tombontsoa nahatongavana izao hariva izao.

² Ary tsy tonga niaraka tamin’ny fikasana hiresaka aho. Fotoana vitsy lasa fotosiny izay dia nisy olona izay tonga tao am-baravarana, ary raha mbola tao amin’ny fianaranana iray aho, nanao foto-kevitra iray ho vonona ho an’ny lahateny iray izay tiako ampiasaina avy hatrany ankehitriny ao amin’ireo favoriana ho avy an’i Phoenix sy Tucson, sy ny manodidina any. Ary tena teo am-pisakafoanana tao amin’ny Fanahy marina tokoa aho, fantatrareo, an’ireo zavatra tsara an’Andriamanitra, mikasika ny Teny farany, sy lohahevitra iray eo amin’ny *Teny farany*. Dia tonga ny vadiko ka niteny tamiko fa nisy olona iray tonga mba hijery ahy, ary izaho—tsy azoko tsara fotosiny ilay izy, noho izany avy eo, nahoana, hoy izy, “Handeha any am-piangonana ve ianao rahariva?”

³ Dia hoy aho hoe, “Mieritreritra an’izany aho.” Dia nanohy aho nihazona tao amin’ny fanahy an’izay nataoko. Dia niverina izy ka nilaza fa ilay izy dia lehilahy marary iray izay tonga mba hivavahana. Hoy aho hoe, “Eny, noho izany, dia handeha hankany am-piangonana aho, na ahoana na ahoana, hitanareo, ary ilay izy dia vavaka ho an’ny marary.” Izaho isan’andro, izany dia...Fantatrareo, ireo zavatra ireo dia... tokony hokarakaraintsika haingana arak’izay azo atao izy ireo rehefa marary sy manana ilaina ny olona. Na iza na iza narary dia mahafantatra hoe toy ny ahoana no ankasitrahana ny dikan’ny hoe sitrana tamin’ny alàlan’ny hery manasitrana lehibe an’Andriamanitra. Ary tena zavatra iray mahafinaritra izany, tombontsoa iray toy ny inona.

⁴ Ankehitriny, amin’ny Alahady heriny manaraka, raha sitraky ny Tompo, raha tsy manana zavatra manokana Rahalahy Neville sy ny iray amin’izy ireo, dia nihevitra aho fa amin’ny Alahady heriny maraina aho—dia hitondra ny hafatro Krismasy ho an’ny olona aho, satria ny mamela azy ireo—ny mamela

azy ireo... Ny sasany amin'izy ireo dia avy any lavitra be, fantatrareo, ary ohatra Georgia sy ireo toerana samihafa, ka izany dia hamela azy ireo hiverina ara-potoana hanao ny fiantsenany Krismasy sy ny sisa.

⁵ Ary vao tonga i Billy dia niteny tamiko, nilaza fa ny anabaviko, Delores, amin'ny Alahady heriny hariva alohan'ny fotoana mihitsy, dia manana karazany kely—fanomezana kely ho an'ireo ankizy, fandaharana kely eto izay hataon'izy ireo, fantatrareo, tantara Krismasy kely izay tian'izy ireo haseho alohan'ny hanombohan'ireo fotoana. Dia hoy aho hoe, “Eny, amin’ny Alahady hariva izany sa tsy izany?”

Hoy izy, “Eny.”

Hoy aho hoe, “Tsy hanelingelina izany na kely aza, arak’izany.”

⁶ Ankehitriny, hitanareo, amin'ny Talata heriny dia ny ankatoky ny Krismasy, noho izany raha...na ny Talata manaraka, herinandro iray, dia Krismasy. Koa izany no manery ny olona, hitanareo, ary tsy mantsy miverina mody izy ireo amin'ny ankatoky ny Krismasy, sy ny Alatsinainy, noho izany dia nieritreritra aho fa izaho...hia, roa herinandro. Marina izany, roa herinandro no marina. Noho izany dia nieritreritra aho fa angamba ho tonga aho izao hariva izao ka hamela ny olona hahafantatra, raha sitraky ny Tompo, ary raha tsy manana na inona na inona manokana Rahalahy Neville. Izany, tiako mazàna ny manome ny hafatroy Krismasy ho an'ny fiangonana, sy ny hafatroy Paska, ary na inona na inona apetraky ny Tompo ao am-poko mba homena. Ary amin'ny Alahady heriny, raha sitraky ny Tompo, amin'ny Alahady heriny maraina aho dia hanome... .

⁷ Ny antony itondrako azy amin'ny maraina raha tokony ho hariva, dia misy ireo olona izay avy any lavitra be, manana ny tolakandro handehanana izy ireo mba ahafahany ho tonga any an-trano, hitanareo. Ary aleoko banana an'ilay izy amin'ny hariva, neveriko fa ny hariva no tena tsaratsara kokoa. Izaho—tiako ny fivoriana hariva, rehefa milentika ny masoandro, zavatra iray, iray hafa. Andriamanitra tao amin'ny sahan'i Edena, nankeo amin'i Adama, no tongatao amin'ny hatsiatsiaky ny hariva ary niresaka tamin'i Adama. Hitanareo, ary tiako ny fivoriana hariva. Fa, ary araka ny fisehon'ny zava-misy eto, dia tsaratsara kokoa ny hananako azy amin'ny maraina, sy mba ahafahan'ny olona mandeha.

⁸ Ary mankasitraka aho fa nitarina ny tabernakla eto mankao amin'ilay toerana manaraka mihoatra antsika eto, manana efitra vitsivitsy nanampiana azy. Taorian'ny korontana sy fifamaliana rehetra, dia azontsika ihany ilay izy amin'ny farany na ahoana na ahoana. Fantatrareo, Rahalahy Bosworth fahiny dia nanana toetra fampihomehezana iray, nanao hoe, “Ny zazakely izay mitomany mafy indrindra no mahasarika

fifantohana be indrindra.” Koa izany ilay karazany manontolo, fantatrareo, ary heveriko fa ahazoantsika tombony ny mitomany kely matetitetika, tsy mihevitra tahaka an’izany ve ianareo?

⁹ Noho izany, ary tiako ny hiresaka amin-dRahalahy Anthony sy ny mpiara-miasa aminy eto noho ilay feon-kira maha-te-ho tia. Vao niditra aho dia nandre an’izany. Ary, fantatrareo, ireo zava-maneno dia trompetra. Tiako ny iray amin’ireo zanako, fara-fahakeliny ny iray amin’izy ireo, mba hitsoka trompetra iray, izaho—izaho... ary ireo zava-maneno tsofina.

¹⁰ Nanomboka tamin’ny piano i Becky, saingy eo amin’io zavatraadolantsento kely io izy, fantatrareo, izany dia, te-handao an’izany izy ankehitriny. Ary—ary izy dia nanomboka... Nilaza ilay mpampianatra fa tsy maintsy manomboka amin’ny feon-kira malaza izy ireo. Tsy, ankehitriny, tsy te-hilaza aho... fantatrareo izay tiako lazaina, fanokafana, sy ny sisa, an’ny mozika klasika, mba hanampiana mozika ara-pivavahana amin’izany. Rehefa tonga eo amin’ny gradiny ambony ao amin’izany izy, amin’izay fotoana izay dia mihevitra izy hoe, “Eny, hijanona fotsiny aho.” Ary izaho—izaho... olana iray ireo ankizy. Ary, na ahoana na ahoana, ilay izy dia tsy maintsy antson’Andriamanitra iray, eo am-panombohana. Mino aho fa ny rahavaviny, Sarah, ery aoriana ery dia hihoaatra azy, na ahoana na ahoana, nefy tsy nahazo lesona iray mihitsy. Koa, koa noho izany dia ilay antson’Andriamanitra no tsaratsara kokoa rehefa fanomezam-pahasoavana tahaka an’izany ilay izy.

¹¹ Fa tiako ny trompetra iray. Tsaroako rehefa nitokana an’ity tabernakla ity izy ireo teo amin’ny zorony teo, naneno nandrity ny tapak’andro teto ireo trompetra, “Teo amin’ny hazo fijaliana izay nahafatesan’ny Mpamonjiko, teo no niantsoantsoako famelàna ho an’ny fahotana, teo no nampiharana ny Rà tamin’ny foko,” rehefa nandatsaka ny foto-kevitro tao anatin’ilay vatofehizoro aho.

¹² Ary tsaroako indray hariva tao amin’ny fiangonana Trinity Methodist, rehefa i Dokotera Morrison antitra... Maro aminareeo olona izay niaina tany amin’ireo androko no mahatsiaro an’i Dokotera Morrison, lehilahy masina antitra iray. Asbury dia nahavery ny iray amin’ny lehilahy malaza indrindra hatramin’i Asbury, rehefa nahavery an’i Dokotera Morrison izy ireo, nohon’ny taonany, lehilahy masina antitra iray. Ary efa tiako foana ny mandre azy mitory teny. Ary nandeha tany aho mba hihaino azy tao amin’ilay fiangonana Trinity Methodist tany. Ary tamin’io hariva io, dia nivoaka teo amin’ny lavarangana kely iray ny zazalahy anankiroa raha vao nanatona mihitsy izaho sy ny vadiko, ary nihazona ny trompetrany teny amin’ny rivotra tahaka an’izao izy ireo, ary ireo zava-maneno ireo teo, ka nitendry hoe, “Teo amin’ny hazo fijaliana izay nahafatesan’ny Mpamonjiko!” Ilay hazo fijaliana goavana teo an-tampony, nihodinkodina. Nitsangana teo an-dàlambe fotsiny aho ka

nanangana ny tànako, nanomboka nidera an'Andriamanitra teo fotsiny mihitsy. Tsy nisy na inona na inona azoko natao.

¹³ Misy karazana fientanam-po iray ao anatin'ny Kristiana anankiray nateraka indray, rehefa mitempo Izany, dia misy zavatra tsy maintsy hitranga, izay ihany no misy amin'izany. Oh, izaho... Tsy misy na inona na inona mitovy amin'ny Kristiana iray an'ny andro fahiny. Marina izany. Tsy haka na inona na inona ho solon'izany, ny fahatsapako, tsy hanakalo an'izany amin'ireo harenan'izao tontolo izao mihitsy, na izao tontolo rehetra izao, na ny fihodin'ny masoandro sy ny rehetra, ho an'izay nampianarin'i Jesosy ahy mikasika ny Tenany.

¹⁴ Misy lehilahy anankiray izay mipetraka miaraka amintsika, isaky ny mijery aho dia mitroatra ny foko. Izany dia lehilahy iray ary hitako izy nandray fandraisana, indray hariva, mandeha miaraka amin'ny tehina iray. Efa mba nisy olona niteny taminao ve hoe ianao dia mitovy amin'i Oral Roberts? [Hoy ilay rahalahy hoe, "Eny, rahalahy, ianao no nanao, rahaniditra tato mihitsy aho ankehitriny. Niandry anao hahafantatra an'izany aho."—Mpand.] Teneniko aminareo, izaho isaky... Firy... Eta nahita an'i Oral Roberts ianareo, saiky ianareo rehetra. Raha tsy mitovy amin'i Oral Roberts izy! Sendra njery teo fotsiny aho. Ary izaho—heveriko fa lehilahy goavana kely kokoa noho i Oral izy. Fa ny mijery ny fomba ibangoany ny volony fotsiny, ary ny handriny sy ny endriny, ary karazana olona iray toa miavaka, mipetraka tahaka an'i Oral. Ary noho izany aho—mihevitra foana aho hoe, "Rahalahy Oral?" Toa zavatra iray fotsiny mitovy aminy.

¹⁵ Manomboka karazana sekoly Biblika iray i Rahalahy Oral any ankehitriny, mino aho, na zavatra iray. Nandre mikasika an'izany aho indray andro. Inona ilay izy? [Hoy Rahalahy Neville hoe, "Oniversite."—Mpand.] Oniversite. Eny. Rahalahy Carl Williams no iray amin'ireo teniny farany eo amin'izany, karazan'izany, tsy fantattro marina hoe inona ilay izy ankehitriny.

¹⁶ Ankehitriny, tsarovy ankehitriny, Alahady, raha sitraky ny Tompo, dia hanomboka isika, manana ny Paska aho...na ny hafatra Krismasy. Ary noho izany aho dia—mankasitraka aho ny amin'ny nanombohana ny tabernakla. Ary noho izany dia manantena aho fa tsy ho fanampiana isa fotsiny ity, fa ho fanampiana fahasoavana izay heken'Andriamanitra ho an'ny fianganantsika, ny hetsika antsika, ny...tsy hetsika, fa ny fianganantsika izay iangonantsika miaraka. Tiantsika izy.

¹⁷ Ary—ary tiako fotsiny ny hilaza an'izao. Tsy haka fotoana betsaka aho. Fa, manana zavatra maro izay tokony lazaiko aho, saingy tsy hilaza aho, haka fotoana be loatra ilay izy. Fa, tiako ny hilaza an'izao, ilay izy dia zavatra tsy azoko lazaina. Misy ireo zavatra (ny olona rehetra dia mahazo) izay

fantatrareo, ary amin'ny Anaran'ny Tompo izany, kanefa tsy azonareo lazaina ilay izy. Hitanareo, tsy maintsy tehirizinareo ho anareo irery ilay izy. Hitanareo? Fa misy zava-mitranga izay eo am-pisehoana, ary efa izany nandrity ny fotoana vitsivitsy, izay vonona ny hiseho, ka taitra aho tamin'ny fandinihana ny Fanahy Masina nihetsika teo anivon'ny olona teo amin'io toerana io, ary izy ireo tsy nahafantatra zavatra anankiray eto an-tany, hitanareo, nefo mahita ny Fanahy Masina mihetsika hatrany amin'izany. Hambarako ilay izy, raha sitraky ny Tompo, amin'ny fotoana mety iray. Ankehitriny, tsarovy, izany no maneho an'Andriamanitra eo anivon'izy ireo.

¹⁸ Tahaka ny olona iray, mino aho, rahalahy, eny, izay nilaza vao teo, Rahalahy Neville no nilaza fa, "Andriamanitra, tsy manisa ny—ny korontana eo anivontsika, ny faharatsiam-pitondrateneantsika eo Imasonry." Hoe ilay mpahita izay nandeha njery an'i Isiraelly, ka afaka nahita an'izany tamin'ny maso araboajanahary, ary tsy nilamina toy ny ahoana ilay izy, ahoana fa nanao ratsy toy ny ahoana izy ireo ka tokony ho voaozona. Fa izay tsy nety hitan'ilay eveka dia io Vatolampy nokapohina sy Menarana Varahina io, hitanareo, manao fanaovam-panavotana. Noho izany, hitanareo, rehefa—rehefa njery an'i Isiraelly i Balama, dia nahita antony iray hanazonana azy ireo izy. Hitanareo? Fa rehefa njery azy ireo Andriamanitra, dia Hitany ilay fanaovam-panavotana. Hoy Izy hoe, "Tahaka ny ombimanga iray ianao." Amena. "Iza no hametraka zavatra eo amin'ny lâlanao? Masina toy ny ahoana, marina toy ny ahoana ny tranolainao!" Tahaka an'izany no nahitan'Andriamanitra azy ireo. Hitanareo? Tsy tahaka ny nahitan'ny olona azy ireo, tsy tahaka ny—ny nahitan'ireo manan-kaja malaza azy ireo; fa tahaka ny Nahitany azy ireo.

¹⁹ Ary, O Andriamanitra, aoka ho izany no anjarako! Aoka ho izany no anjarako, satria tsy manana na inona na inona aho ato anatin'ny tenako izay azoko ihamboana. "Tsy misy na inona na inona entiko eto an-tânako, eo amin'ny Hazo fijalianao tsotra fotsiny aho no mifikitra." Hitanareo, izay ihany no ananantsika.

²⁰ Eny, ity dia fivoriam-bavaka hariva, na tsy fivoriam-bavaka hariva, fa ity dia karazana vondrona evanjelistika iray eto. Isika—tantsika ny mametraka ny Teny. Ary angamba tiako ny hiresaka aminareo mandritry ny minitra vitsy izao hariva izao. Maro aminareo izay tia hamadika ao amin'ny Soratra... Eny, fantatrareo ve, ilay zavatra hafahafa, fa nisokatra marina tokoa eo amin'ilay izy, eo amin'ilay lahateny izay saika ho vakiako ilay izy. Eny, tompoko. Hafahafa. Izany dia ny Korintiana Voalohany, ny toko faha-11, ary naoty vitsivitsy izay nosoratako eto, ato any ho any, izay noeritreretiko, raha afaka mahita azy mihitsy aho izao ankehitriny izao, ao amin'ny Korintiana Voalohany, ny—ny—ny toko faha-11. Eto mihitsy ilay izy, eto mihitsy. Eny, tompoko.

²¹ Ankehitriny, alohan'ny hanatonantsika ny Teny, dia ndao isika hanatona an'ilay Mpanoratra, hitanareo, Izay ny Teny, mba ahafahantsika mangataka famindrampo sy ireo Fitahiany raha mianatra Azy Izay ny Teny isika. Ndao isika hivavaka.

²² O Tompo Andriamanitra, feno fahasoavana sy famindrampo, Izay efa nanaiky nandritry ny taona, rehetra avy nanota ny olona ka nametraka an'io hantsana lehibe io teo anelanelany sy Ianao, anankiray izay tsy nahafahany niverina niampita tamin'ny alalan'ny tenany. Izy dia very tanteraka tokoa, manontolo, tsy nanana lèlana hiverenana. Fa ilay Andriamaniry ny... feno fahasoavana rehetra, dia nanaiky ny haka Mpisolo iray teo amin'ny toerany, ka nitondra azy niverina. Nampientana ny fon'ny rehetra izay hany nahafantatra Anao izany, Tompo, ahoana fa tao amin'ilay Fitiavanao lehibe sy ny fahasoavanao dia naka Mpisolo iray Ianao! Ary araka ny vao avy nanehoanay an'izany, Tompo, dia eo amin'io Mpisolo io no iankinanay izao hariva izao, io Anankiray Izay maty teo amin'ny toeranay mpanota io, io Anankiray marina Izay nitondra ny tsifahamarinanay teo Aminy io. Ao Aminy no itokianay.

²³ Manatona Ny Teniny am-panajana izahay ankehitriny, miaraka amin'ny fonay sy lohanay miondrika, amin'ny fanajana sy amin'ny fankatoavana ary amin'ny fankasitrahana. Ary mangataka mba Handefasanao ho anay izao hariva izao, ny fahasoavana, amin'ny alalan'ny Fanahy Masina, sy hanome anay ny—ny Mofon'Aina izay ilainay mba hamelona anay. Ianao no mahafantatra marina tokoa an'izay ilainay, ary fantatray fa Ianao no nampanantena fa raha hangataka izahay dia hahazo.

²⁴ Te-hahatsiaro izahay izao hariva izao, Tompo, an'ireo rehetra izay fantatray fa marary sy manana ilaina, mba homena azy ireo amin'ny fahabetsahana lehibe anie ny fahasoavan'Andriamanitra. Ary, Ray, mivavaka izahay ho an'ireo izay nihemotra, mba hitondra fahatsiarovana ao am-pon'izy ireo anie ity fialan-tsasatra ho avy ity, izay nisy azy ireo fahiny, ka lavo nankany amin'ny toerana ivelan'ny Fiombonanao. Andriamanitra, mivavaka izahay mba hiverenan'izy ireo (ekeo izany, Tompo), hiverina ao amin'ny fiangonana, ao amin'ny—ao amin'ilay Fiangonan'ny Lahimatoa, hiverina eo amin'izay misy ny fahasoavana sy famindrampo, sy ftiavana sy fahatsaram-panahy, ary fanasitranana ny fanahinay, ny sainay ary ny vatanay. Ekeo izany, Tompo. Tahio ny Teny izao hariva izao. Atanjaho izahay rehetra, ary omeo anay ireo Fitahianao, raha mangataka an'izany amin'ny Anaran'i Jesosy izahay. Amena.

²⁵ Ankehitriny, mandritry ny fotoana vitsy dia tiako ny hiantso ny fifantohanareo eo amin'ny Korintiana Voalohany, ny toko faha-11, andininy faha-23, faha-24, ary faha-25.

Fa izaho efa nandray tamin'ny Tompo izay atolotro anareo koa, Fa ny Tompo Jesosy tamin'iny alina iny izay namadihana azy dia nandray ny mofo:

Ary rehefa nisaotra izy, dia novakiany izany, ka nanao hoe, Raiso, ka hano: ity no tenako, izay novakivakiana ho anareo: ataovy izao ho fahatsiarovana ahy.

Dia araka izany koa no nandraisany ny kapoaka, ary rehefa avy nihinana izy, dia nanao hoe, Ity kapoaka ity no ilay fanekena vaovao amin'ny râko: ataovy izao, na oviana na oviana ianareo no misotro azy, ho fahatsiarovana ahy.

²⁶ Raha tsy maintsy hiantso an'ity ho lahateny kely iray fotsiny aho izay tiako hitodihana, dia ho izao: *Mahatsiaro Ny Tompo*. Ilay izy dia toy ny hoe hariva iray izay...na hafatra iray izay tokony notoriana tamin'ny Alahady lasa, tamin'ny sakafo harivan'ny Tompo. Fa tiako ny hanatona azy ao amin'ny fomba haha kely iray mandritry ny minitra vitsy, raha mbola mametraka ny—ny fisainantsika miaraka isika, ary ao amin'ny fanompoana ny Tompo.

²⁷ Isika dia afaka, mazava ho azy, manomboka amin'ny latabatry ny Tompo, satria izany no toerana tsara iray izay tsaroantsika rehetra. Mahatsiaro ny Tompo eo amin'ny Latabany, fa, marina tokoa, mitodika amin'izany ilay lahateny. Fa, izany dia, Paoly dia nilaza fa tokony handray ny kapoaka isika ary—ary misotro ny—ny râ, sy mihinana an'ilay mofo hostia, ho fahatsiarovana, mba hahatsiaro an'izay Nataony ho antsika. Ary raha—raha manao an'izany ianareo, dia tsy tianareo ny hanao an'izany ho zavatra tsotra iray, isan'andro; te-ho avy marina tokoa ianareo, mahatsiaro ny Tompo. Hitanareo? Mahatsiaro fa ny Fahasoavany sy ny Famindrampony, ary izany irery ihany, no manome anareo an'ilay fanantenana tokana izay anananareo. Tsy mampaninona izay hany hataonareo, tsy misy na inona na inona na aiza na aiza izay afaka ho tonga hifanakaiky amin'izay nataon'i Kristy ho anareo.

²⁸ Efa nanana fahatsapana iray nampalahelo aho tamin'ity herinandro ity, kanefa anankiray be voninahitra, afaka miantsos an'ilay izy aho, nandevina rahalahy iray izay nipetraka niaraka tamintsika taloha teto aho. Ary maro aminareo no mahafantatra an'ilay fanararaotra. Izany dia ny Rahalahintsika tsara fanahy Rogers, Busty Rogers, araka ny iantsantsika azy, Everett. Ary Rahalahy Banks Wood eto, sy Rahalahy Sothmann, niaraka nandeha tany amin'ilay fotoam-pandevenana izahay.

²⁹ Ary—ary namily fiara tao anaty oram-panala aho, nankany amin'ilay toerana fahiny izay nandevenako azy voalohany, teo amin'ny dimy amby roapololo taona lasa teo izay. Tamin'io fotoana io rehefa nandevina azy aho, dia tao anaty ranom-potaka izany, tamin'ny Anaran'i Jesosy Kristy Tompo. Raha nandalo

teo amin'ilay tetezana trrainy mahazatra izahay tany Totten Ford, dia niresaka tamin'ireo rahalahiko aho, ka nanao hoe, "Indray andro rehefa nisy mpitoriteny anankiray ara-anaram-piagonana iray nanana tra-tranolay goavana iray teo, dia hoy izy hoe, 'Io mpanara-pototra kely ao amin'ny fiangonana Batista any io, izay manao batisa ny olona amin'ny Anaran'i Jesosy Kristy,' hoy izy, 'raha nisy olona iray aza natao batisa tamin'izany fanao izany, dia tsy ho tongasoa ato ambanin'ny tranolaiko akory aza.'"

³⁰ Ary tamin'io fotoana io dia sendra nisy sasantsasany nipetraka teo izay vita batisa tamin'ny Anaran'ny Tompo Jesosy, ary izany dia Rahalahy George Wright sy ny fianakaviany. Izy ireo fotsiny... Ny zavatra tokana azon'izy ireo natao dia ny tsy hiverina.

³¹ Noho izany tamin'io andro io tao amin'ilay toerana marivo, oh, nandao ny favoriany fotsiny izy ary tonga mba handinika kely, ary nitsangana teo ny fiangonany. Dia nanatona an'ilay toerana aho. Ary nisy orana teny amin'ireo havoana tany, ka voadio ireo saha feno fotaka, ireo sakeli-dranony kely no nanao an'ilay Blue River ho tena feno fotaka. Niditra tao anaty rano aho, hatreto amin'ny valahana ny halaliny. Ary izaho... Iray amin'ireo mpitantan-draharaha, na diakona, raha ny marina, no nanolotra ny Baiboly ho ahy, ary namaky tao amin'izay nelazain'i Petera tamin'ny Andron'ny Pentekosta aho hoe, "Mibebaha, ny tsirairay avy aminareo, ka aoka hatao batisa amin'ny Anaran'i Jesosy Kristy ho famelàna ny fahotana, ary ianareo handray ny fanomezan'ny Fanahy Masina."

³² Tamin'io fotoana io no nandrian'i Georgie Carter teo, niezaka hanangana ny tànany, nilanja teo amin'ny enimpolo livatra mahery kely teo fotsiny, efa teo am-pandriana nandritry ny sivy taona sy valo volana, tsy nihetsika. Ary ny olony, ilay fiangonana izay nikambanany, dia nilaza hoe, raha misy olona tonga ao amin'ny favoriako aza, dia ho voaroaka avy ao amin'ny fiombonany ao amin'ny fiangonana izy ireo. Ary noho izany dia izany ilay hariva iray ihany izay nahasiranany teo no ho eo. Ary avy eo dia te-hatao batisa tahaka an'ilay zazavavy kely Nail izay tany izy; izay nahitako fahitana iray, ary fantatrareo ilay tantara, nikainkona ny tànany sy ny ranjony; ary nandeha tamin'ilay fahitana sy ny herin'ny Fanahy, nametra-tànana teo aminy, indro izy nivoaka ary sitrana. Ary noho izany dia nikambana tamin'ilay iray ihany izy. Eny, fiangonana Metodista iray izany. Ilay mpitoriteny Metodista, Rahalahy Smith, no anankiray izay nitsangana teo amin'ilay morona niaraka tamin'ny fiangonany.

³³ Ary nanomboka nanao batisa araka ny Baiboly aho, batisa Kristiana. Ary saiky tamin'ny fotoana izay nanaovako batisa olona dimy na enina, tampoka teo dia vaky ireo laharana sy andalana, teny amin'ny havoana. Indro tonga io andiana

Metodista io nidina avy hatrany nanao an'ireo akanjony tsara, mba hatao batisa amin'ny Anaran'ny Tompo Jesosy. Ary tsirairay, ireo ramatoa tao anatin'ny akanjony landy tsara tarehy sy fitondra amin'ny fahavaratra, nandeha nitety an'io fotaka io, namafa an'ireo ranomaso teo amin'ny tarehy, ary nanasa ny lokomena hiala, tonga mba—mba hanao—hanao fiaikena sy—sy hatao batisa.

³⁴ Ary tao amin'io andiana io, lehilahy iray matanjaka, mivelatsoroka, karazana hety volo GI iray, be tarehy, toa mahery fijery nanatona teo nanao ny palitao sy patalo hany tsara tarehy, volonondry manga. Hoy izy hoe, “Izaho, koa, dia efa nandray ny fanapahan-kevitro.” Busty Rogers izany, tsy nisy olona niteny na inona na inona taminy. Teo no nandevenako azy tamin’ny Anaran’i Jesosy Kristy Tompo, teo ambonin’ny fiaikeny.

³⁵ Ary tamin’ny herinandro lasa no nametrahako azy teo ambanin’ny baingan-tany any Milltown. Ary niresaka aho teo amin’ny toriteny hoe: *Ny Fahatanterahan’Ny Fitsanganana*. Efa misionera iray aho, ary efa nahita an'ireo karazana andriamanitra sy filozofy; ary ny rehetra amin’izany, ankoatry ny Kristianisma, dia filozofia fotsiny ihany, ahoana fa izy ireo dia mino an’ity, *itsy*, ary ny *hafa*. Fa ilay Mpamorona lehibe Izay nanao ny famoronana! Tsy maintsy misy Mpamorona iray raha misy famoronana iray. Ary raha misy famoronana iray, dia nataon’ny Mpamorona iray izany. Ary ny asan’ny olona rehetra dia mampitaratra ny tenany. Raha mpandrafitra iray izy, dia manao asa tsara iray, manorina izy. Ary raha mekanisiana tsara iray izy, dia manao asa tsara. Ny asanareo no mampitaratra anareo. Ary ny famoronan’Andriamanitra dia mampitaratra an’Andriamanitra. Ary Andriamanitra nanao ny zavatra rehetra ho an’ny tanjona iray. Ary ny zavatra rehetra izay manatanteraka ny tanjon’Andriamanitra, rehefa maty izy, dia manana fitsanganana iray. Teneno zavatra anankiray aho. Ary nitondra zavatra maro aho, tahaka an'ireo voninkazo sy ireo hazo.

³⁶ Ary ahoana fa mipo saka ny masoandro amin’ny maraina, zaza kely iray teraka, malemy izy, malemy ireo tarany. Eo amin’ny folo ora eo, dia adolantsento iray izy. Ary amin’ny roa ambin’ny folo ora dia mamiratra amin’ny heriny izy, ao amin’ny hatsaran-tarehin’ny vehivavy- na maha-lehilahy. Ary eo amin’ny roa ora eo ny tolak’andro, dia lasa mitovy amiko izy. Ary avy eo eo amin’ny dimy ora eo ny tolak’andro, dia lasa tahaka ny raibe izy, mandry izy. Ary farany dia manjavona miala amin’ny tany ireo tarany, dia maty izy. Izany ve no fiafarany? Nanatanteraka ny tanjon’Andriamanitra izy. Nanangana ny ain-java-maniry izy raha nandeha nitety ny tany. Ary ireo voly rehetra izay maty tamin’ilay taona teo aloha, dia natsangany. Izany ve no fiafarany nefo manatanteraka ny tanjon’Andriamanitra izy? Mitsangana indray izy ny ampitso

maraina, miaraka amin'ny aina iray vaovao! Manao an'ilay zavatra iray ihany ny hazo tsirairay, ny zavatra hafa rehetra, ny zavatra rehetra, volana, kintana, fihodinan'ny masoandro, mampanantena ny zavatra rehetra.

³⁷ Ary raha manatanteraka ny tanjon'Andriamanitra ny olona iray, dia misy ny fitsanganana iray azo antoka tahaka ny zavatra rehetra mihitsy. Ny zavatra tokana tsy maintsy ataony, dia, Andriamanitra miandry fotoana fotsiny, tahaka Azy ankehitriny mihitsy.

³⁸ Miendaka avy eo amin'ny hazo fotsiny ireo ravina lehibe, milatsaka, raha ny marina. Misy ny mena, maitso, manga, volontany, ireo loko samihafa rehetra manerana an'ilay nono lehibe an'ny tany, izay nandrian'ny natioran'Andriamanitra ho faty tao ambanin'izany, dia namboly ny Fehezam-boninkazony fotsiny Andriamanitra. Saingy Fantany hoe rahoviana no Amboleny an'ilay fehezam-boninkazo, misy fitsanganana iray amin'ny lohataona! Tsy maintsy mandeha mihodina amin'ny fihodinany fotsiny ny tany mandra-piveriny avy hatrany miaraka amin'ny masoandro indray, ary hitsangana ho an'ireo voninkazom-pandevenana izany.

³⁹ Tsy milaza mihitsy hoe, "Izao no farany," toy izany koa ireo ravina, volontany eo amin'ny hazo, tsy milaza fa izany no farany. Ny zavatra tokana tsy maintsy ataony, dia ny hitsingevanan'ny tsingerim-potoan'Andriamanitra hihodina, hatramin'ny fotoan'ny fihavian'ilay Zanak'Andriamanitra. Ary ny olombelona tsirairay izay hany maty tao amin'i Kristy dia hitsangana indray. Ao amin'Ny Fanatrehany, mahatsiaro Azy. Oh, rehefa tonga eo amin'ny faran'ny lalako aho, dia tiako ny ho faty ao amin'Ny Fanatrehany, mahatsiaro Azy, hoe Izzy no fananganana sy Fainana. Izzy io Anankiray io.

⁴⁰ Noho izany raha manatona ny latabatry ny Tompo isika. Ny latabatry ny Tompo, araka ny nanazavako azy teto tany aloha, dia tsy... Mino isika fa izay antsointsika hoe "ny fandraisana" dia-dia ny fandraisana an'ilay mofo. Isika dia mametraka an'ilay ratsy-ilay ratsy... Mametraka an'ilay zavatra tsara eo amin'ny toerana ratsy isika. Tsy ilay mofo no zava-dehibe, tsy ilay divay no zava-dehibe, hostia sy divay izany. Fa ilay zavatra izay misy, dia, *fandraisana* dia midika hoe "miresaka amin'ny," ary, eo am-piresahana Aminy, mahatsiaro Azy. Heveriko fa izany no fotoana voatahy indrindra amin'ireo fivoriana. Hitanareo? Ny ora tsirairay an'ny fiainantsika dia tokony ho fandraisana iray.

⁴¹ Ny fandraisana miaraka amin'ny Tompo dia tahaka ny tany misy rano ao amin'ny tany efitra iray. Izany dia tahaka ny loharano iray ao ambanin'ny kamory, izay misy ny-andalovan'ny mpandeha, mijanona ary misotro an'ilay rano mandra-pampitoniny ny hetahetany. Izany no mahatsiaro ny

Tompo. Mandalo araka ny filaharana eo amin'ny Latabany, izay andalovan'ny mpivahiny izay—izay mivahiny eto an-tany eto miaraka amintsika, miaraka, ka afaka mandalo eo amin'ny Latabany isika, ary eo no misotro ny avy amin'ireo Fitahiany sy avy amin'ny Fahasoavany ary avy amin'Ny Teniny, ao amin'ny fiombonana manodidina Ny Teniny, mandra-pahafa-po an'ireo fanahintsika mangetaheta. Ary amin'izay fotoana izay isika dia miala amin'ilay toeram-panompoana, nampangatsiatsiahina, afa-po; mivoaka mba hihona amin'ireo olan'ny tany efitra indray, ireo olan'ny fiainan'ny tany efitra. Eny, tany misy rano iray any an-tany efitra, mampangatsiatsiaka ny tenantsika, manamboatra ny tenantsika rehefa mangetaheta isika.

⁴² Tokony ho tahaka an'izany ny mpivavaka tsirairay. Izany dia maha-... Izany ilay izy amin'ny tena mpivavaka tsirairay, hoe maniry mafy ny hihona miaraka izy ireo. Misy zavatra mikasika ny fiombonana izay—izay Masina, nodidian'Andriamanitra izany, ary masina izany, masina. Ary mangetaheta an'izany ireo marina.

⁴³ Tahaka ny nolazain'i Davida, hoe ny “fanahiny dia mangetaheta an'Andriamanitra, tahaka ny angetahetan'ny diera ny rano an-ony” Ilay diera kely maratra izay nandrapahan'ireo alikadia avy teo amin'ny valahany, ary izy dia—afaka tamin'izany izy. Ary mitsangana izy, mihanahana sy mandinika. Eo, manimbolo amin'ny taovam-panamboloana izay nomen'Andriamanitra azy, afaka manimbolo rano any amin'ireo maily izy. Ary mihazona ny lohany kely eny amin'ny rivotra izy raha mbola mandeha rà lasa ny ainy. Ary fantany, fa raha afaka ho tonga eo amin'io loharano izy, dia afaka ny ho velona. Tsy hisy olona hahatratra azy amin'izay fotoana izay. Raha mba afaka ny ho tonga eo amin'ny rano izy, dia hanadala ny alika tsirairay izay azonareo apetraka hanenjika azy izy, satria fantany fa izy—nahita an'ilay loharano mpanome-aina izy.

⁴⁴ Ary rehefa tonga eo amin'izany toerana izany ny fiangonana, izay anaovantsika an'i Kristy ho misy dikany betsaka amintsika ka mangetaheta ny hiditra ao amin'Ny Fanatrehany isika ary miaraka amin'ny tsirairay avy, dia Loharano mpanome-Aina iray izany. Tsy misy devoly afaka mba hisongona anareo. Na dia ny fahafatesana izy tenany aza dia resy eo. Oh, fanantenana iray toy ny inona! Toerana iray toy ny inona! Ampangatsiatsiaho ny tenantsika. Ary, eo am-panaovana an'izany, mahatsiaro fa Kristy no ilay Anankiray Izay nanao an'izany ho azo atao ho antsika. Izy no ilay Anankiray Izay nanao an'ireo zavatra ireo ho antsika, tsy maintsy mahatsiaro Azy isika. Satria, tsarovy, vahiny isika fahiny ary tsy nanana an'Andriamanitra, Jentilisa, nentina niaraka tamin'ireo sampy moana. Fa, tsarovy, tsy maty ho an'ny Jiosy Kristy, fa ho an'ny olombelona rehetra avy tamin'ny taranaka lavo an'i Adama, no nahafatesan'i Kristy.

⁴⁵ Rehefa tonga isika mba hahatsiaro Azy amin'ny Lohataonany an'ny—an'ny fandraisana, izany—izany dia tokony hampahatsiahy antsika ny fotoana tany aoriana tahaka ny Isirael y tao amin'ny diany. Ary tonga izy ireo, mbola tao amin'ilay tena laharan'andraikitra mihitsy, teo amin'ny lâlany avy tany Egypta hankany amin'ny fanafahan'izy ireo, hankany amin'ny tany nampanantenaina, ary, tao amin'ilay asan'andraikiny mihitsy, tsy nisy rano. Ary maina teo amin'izay nojerena rehetra, toerana, ny rehetra . . . teo ambanin'ny havoana rehetra izay tokony hisy loharano, dia tsy nisy. Ary levona tany an-tany efitra izy ireo. Ary tamin'izay fotoana izay dia niseho ilay Vatolampy, ka nikapoka an'io Vatolampy io i Mosesy ary nivoaka avy tamin'izany ny rano betsaka. Ny lehilahy nangetaheta rehetra, ny vehivavy nangetaheta rehetra, ny ankizy, na dia ny biby nangetaheta rehetra aza, dia afaka nisotro rano betsaka.

⁴⁶ Araka ny Jaona 3:16, ilay latateny volamena an'ny Baiboly, nanao hoe, "Toy izao no nitiavan'Andriamanitra an'izao tontolo izao, Nomeny Ny Zanany lahitokana, mba na iza na iza mino (mino, miombona, mahatsiaro Azy) dia tsy ho levona, fa hanana Fiainana Mandrakizay." Mahatsiaro fa Kristy no Vatolampitsika izay nokapohina, mba hamony tontolo iray levona, Jentilisa iray levona, Jiosy iray levona, tontolo iray levona. Nanolotra Ny Ainy betsaka Kristy, ka ny olona rehetra izay noana sy mangetaheta, hoy ny mpaminany, "Indro, mankanesa eo amin'ilay loharano, mividiana Amiko ronono sy tantely tsy misy vidiny." Avia, satria izany no fandraisana, avia ho fahatsiarovana ny Tompo.

⁴⁷ Afaka mieritreritra ny fahatsiarovana ny Tompo indray aho tao amin'ny toeran'ny fampangatsiatsiahana iray, tao amin'ny fantsakana iray antsoina hoe *Bera-lahai-roy*, izay midika amin'ny teny Hebreo hoe, "Ny fantsakan'Ilay velona sy mahita ahy." Hagara, tsy azo tsara, kanefa tao amin'ilay laharan'andraikitra. Tsy azo tsara, diso fitsara, ary noroahina, tsy nanana toerana handehanana, niaraka tamin'ny zanaka iray teo am-pahalevonana, ary lany ny rano tao anatin'ilay tavoahangy. Dia nitomany ilay ankizy kely. Ary ny fon-dreny irery ihany no hahafantatra hoe inona no dikan'ny mandre an'io tomany ho an'ny rano io, satria nivonto ny lela keliny, ary karakaina ireo molony, ary niha-nalemy isa-minitra ny zazakeliny. Voaroaka, tao amin'ilay laharan'andraikitra mihitsy, tsy nanana toerana handehanana. Nanao izy nefá tsy nisy, ny tenany, hany ka noporetiny teo ambonin'ireo molony kely karakaina ilay indray mitete farany. Ary avy eo dia maina ilay tavoahangy, ka napetrany izany ary nanomboka nanohy izy. Ary niantsoantso rano ilay zaza kely, ka lasa niha-nalemy sy niha-nalemy izy; ary ny zanany tokana.

⁴⁸ Tsy isalasalana fa niantsoantso ny fony tsy nanan-tsiny hoe, "O Andriamanitra, inona no nataoko? Inona no nataoko?"

Ary tsy afaka nihatanty ny hijery an'ilay zaza ho faty eo antsandriny izy, noho izany dia napetrany teo ambanin'ny kirihiatra iray izy. Dia nandeha teo amin'ny indray mitifittra tsipika izy, angamba zato yards na mihoatra, ka nahita hazo kely iray, dia nandohalika izy ka nanomboka nitomany teo. Satria nanontany izy hoe, "Nahoana?" Raha efa nanao izay tsara izy, dia nahoana no tsy maintsy tonga aminy io zavatra io? Matetika isika dia mieritreritra an'ireo aretintsika sy ny fahorantsika, hitanareo, saingy angamba natao izany rehetra izany mba hanehoana fahasoavana sy famindrampo. Ary raha mbola nieritreritra izy, dia nandre an'ireo fitarainana kely raha nanjavona izy ireo tamin'ny farany, ho an'ny rano.

⁴⁹ Nandre Feo iray izy niteny ka nanao hoe, "Nahoana ianao no mitomany? Ho an'ny inona no itomanianao?"

⁵⁰ Dia niandranda izy, ka nahita an'ilay fantsakana niboiboika. Loharanon'ny fampangatsiatsiahana iray toy ny inona! Bera-lahai-roy, mety diso ny nanononako azy. B, e roa, r-l-a-h-a-i-r-o-i, izay midika hoe, "Ny fantsakan'Ilay velona sy mahita ahy! Ilay tsy mety maty! Melkizedeka! El Shaddai! Ilay velona sy mahita ahy, mahafantatra an'ireo ilaike, nahatsiaro ahy Izy. Ary teo no Nahatsiarovany ahy tahaka ny nahatsiarovako Azy, ary fantattro fa velona Izy ary Izy no nampipoitra eto amin'ny tany efitra eto, an'ity fantsakana ity."

⁵¹ Oh, afaka mampihatra an'izany ao amin'ny hafatry ny ora iray ve isika izao ankehitriny, an'ity andro ity ankehitriny, izao rehefa ny tany efity ny fiangonana, ireo ara-anaram-piangonana, sy-sy ireo—ireo—ireo mpitory ny Filazantsara sosialy ary ireo—ireo lamaodin'izao tontolo izao no mitsofoka, ka nanao anaram-piangonana sy nanimba.

⁵² Ary avy eo ny mieritreritra fa mitsangana eo indray izao hariva izao, ny fantsakan'Ilay velona sy mahita ahy. Izany no tokony ho dikan'ny mahatsiaro an'i Kristy ho an'ilay mpivavaka. Eny. Oh, tsy azo tsara izy ary voaroaka. Nilaza Jesosy, fony Izy teto an-tany teto hoe, "Izaho no Rano velona, Izaho no Ranon'Aina."

⁵³ Ary tiako ny hisintona fisainana iray hafa eto izay tonga ato an-tsaiko. Rehefa teo amin'ny raharaha-m-pitsarana Jesosy, ary tsy ho an'ny inona na inona afa-tsy nohon'ny fanesoana, tamin'ny alàlan'ny... Nalefa avy teo amin'i Pilato nankany amin'i Heroda Izzy. Ankehitriny, tsy tokony voatery nanao an'izany i Pilato, ary, fantatrareo, satria niezaka nanasa ny tânany ny amin'izany izy. Fa vao eo an-tananareo indray mandeha, dia tokony handray ny fanapahan-kevitrareo ianareo. Tsy afaka manosika an'izany eo amin'ny olon-kafa iray ianareo. Ilay izy dia ianareo, amin'ny maha-isam-batan'olona. Fa Izzy, nalefa nankany amin'i Heroda Izzy, mba fotsiny—mba hanaovana fa—fanesoana iray, satria tena nahazo anarana iray hoe mpanao-

fahagagana sy ny sisa Izy, ary voaroaka iray avy tao amin'ny fiangonana Izy. Noho izany i Pilato izy tenany, nihevitra izy fa handefa Azy fotsiny hankany amin'i Heroda, ary angamba ho karazana fanitsiana an'ilay lolompo fahiny izay nananan'izy ireo izany, ny iray nanohitra an'ilay hafa.

⁵⁴ Ary noho izany dia nentina nitety an'ireo lalambe Jesosy ary nanerana an'ireo toerana mandra-Pihaonany tamin'ilay fitsarana avo, Heroda. Ary rehefa nihaona tamin'i Heroda Izy, ary naseho niaraka tamin'ny fanararaotrany manokana i Heroda! Mety ho adala toy ny ahoana ny lehilahy iray? Raha mba nahafantatra fotsiny mantsy i Heroda hoe io nitsangana teo anatrehany io ilay fahatanterahan'ny mpaminany Hebreo tsirairay, ilay faniriana fatratra, ilay hetahetan'izao tontolo izao, izay nitsangana teo anatrehany, ny fahatanterahan'izay hany notenenin'ny olon-kendry sy mpaminany tsirairay. Ilay fanararaotra hahafa-po ny fony mpanota amin'ny fahasoavana sy famindrampo. Lehilahy iray adala toy ny inona izy!

⁵⁵ Kanefa tsy dia adala loatra tahaka ny lehilahy iray amin'izao andro izao izay voaseho amin'ilay zavatra iray ihany satria efa nanana roa arivo taona mahery an'ny Fampianarany isika, an'ny Famindrampony. Fa inona ny—zavatra adala iray toy ny inona no nataon'i Heroda rehefa nitsangana teo anatrehany Izy ka tsy nangataka fahasoavana sy famindrampo Taminy mihitsy, tsy nangataka famelàna ny fahotana mihitsy. Tsy fantany mihitsy fa nitsangana... Tsy mihevitra aho hoe fantatr'ilay lehilahy fa Olona iray tahaka an'izany io nitsangana teo anatrehany io. Ndao halentitsika izany mandritry ny iray minitra. Satria ilay Lehilahy dia tsy nanana a—anarana ara-tsosialy avy amin'ireo laharana sosialy malaza, avy amin'ireo rafi-pandaminana sy—sy klioba, sy ny sisa, izay Nikambanany. Tsy nanana anarana iray tahaka an'izany Izy.

⁵⁶ Fa tena nanana Izy, teo anivon'ny olona izay nahafantatra ny Baiboly sy nahafantatra ny teny fikasana. Ary mety ho lasa mahery kely kokoa aho, ireo izay voafidy mialoha ho amin'ny Fiainana Mandrakizay, izy ireo no nahafantatra an'izany tamin'ny fotoana izay Nitsanganany teo.

⁵⁷ Fa tsy nianatra an'izany i Heroda, tsy fantany mihitsy izany. Zavatra iray mampalahelo toy ny inona. Ny rehetra izay notenenin'ireo mpaminany nandrity ny efatra arivo taona, ny fahatanterahan'ny antsoantson'izao tontolo izao dia nitsangana teo anatrehany. Io nitsangana teo amin'ny fanatrehany io ny fahatanterahana rehetra. Ary satria afaka milaza an'izao indray aho, hihevitra isika fa lehilahy adala iray izy satria nandray fanapahan-kevitra adala iray, satria, mahamarika ianareo fa tsy nangataka famindrampo taminy mihitsy izy. Nangataka Azy izy mba—mba hampifalifaly azy. “Oh, nandre aho fa Ianao dia—dia mpanao-fahagagana iray.” Nangataka famalifaliana izy raha tokony ho famindrampo.

⁵⁸ Izany no anehoan'izao tontolo izao, amin'izao andro izao, an'ilay tena fanapahan-kevitri'i Heroda mihitsy, nefo mahita an'ilay Kristy manao fahagagana izy ireo izay manao an'ilay zavatra iray ihany izay Nataony tamin'izany, ka ireo zavatra tokana takian'izy ireo dia, "Avelao aho hahita anao manao an'izao-sy-izao." Milaza ve ianareo fa hanana toerana ratsy iray hitsanganana i Heroda? Ny olona an'ity andro ity dia hanana toerana iray ratsy kokoa hitsanganana! Nanana traikefa efatra arivo taona i Heroda, ireo mpaminany sy olon-kendry. Isika manana enina arivo, miaraka amin'ny fampianarana ambony noho izay nananan'izy ireo tamin'izany. Izany toko. Zavatra iray toy ny inona no nataon'izany! Tahaka an'izany koa ilay izy amin'izao andro izao, zavatra mitovy!

⁵⁹ Inona ilay olana? Tsy nanisy fiheverana matotra ho an'izany mihitsy i Heroda. Tsy nijanona mihitsy izy mba handinika.

⁶⁰ Ary tahaka an'izany ny olona amin'izao andro izao. Mahita an'ity zavatra lehibe ity izy ireo, nahataitra azy ireo izany, saingy tsy mijanona ela loatra izy ireo. Miezaka izy ireo ny mihaino raby iray na teolojiana iray izay manazava an'Izany rehetra izany. Kanefa, ahoana fa rehefa mieritreritra an'i Jeffersonville aho, impiry aho no te-hanomba anao tahaka ny hanombàn'ny akohovavy ny zanany, fa ianao no tsy nety. Impiry aho no te-hanangona anao? Impiry aho no te-hanao hanao an'ity ho—ho toeran-jaridaina izay hidiran'ny firenena rehetra, fa ianao no tsy nety. Hitanareo? Hitanareo?

⁶¹ Ankehitriny, hitanareo ve izay tsy maintsy ho tsaroan'i Heroda amin'izany andro izany? Ilay fanararaotrany lehibe, nolaviny izany. Ary any amin'ireo faritry ny very any ho any, izao hariva izao, dia mahatsiaro an'izay nataony mikasika an'izany izy. Tara loatra ilay izy ankehitriny.

⁶² Aza avela ho tonga amintsika izany. Izao no fotoampamangantsika. Ndao isika hahatsiaro an'i Kristy, hoe Iz y no tsy miova omaly, anio, ary mandrakizay, Hebreo 13:8. Aza miandry mandra-pahatonga any amin'ireo faritra sasany any, ao amin'ireo voaozona, ao amin'io toerana izay tsy ahafahanareo mandeha ao amin'ny Fanatrehan'Andriamanitra io, ka raha tapitra ny fotoanareo eto an-tany, dia ao anatin'nynofy ratsin'ny horohoro no hahatsiarovanareo fa nanana ny fanararaotranareo ianareo nefo nandà an'izany. Aoka ireo olona tanora hitandrina an'izao. Aoka ny rehetra hitandrina an'izany.

⁶³ Tsy nanisy fiheverana matotra ho an'izany mihitsy i Heroda. Ny fanararaotrany tokana, nangataka fotsiny ny ho ampifalifaliana izy, sy mba hanaovan'io Jesosy io karazana fitapitaka iray, mamoaka bitro iray avy ao amin'ny satroka, na, fantatrareo, na zavatra iray. Nihevitra izy fa mety mahavita Iz y, amin'ny teny hafa, noheveriny ho toy ny mpanao majika iray Izany. "Nandre izahay fa afaka manao famitpitahana

Ianao. Avelao aho hahita Anao manao ny Famitapitahanao ankehitriny."

⁶⁴ Ary afaka milaza an'ity amin'ny fanajana aho. Fa impiry ireo mody antsoina hoe mpitoriteny an'ity andro ity, no nilaza hoe, "Raha misy ny Fanahy Masina, raha mino ianareo fa ny Fanahy Masina dia tahaka azy tany amin'ny voalohany mihitsy, dia avelao aho hahita anao hitondra an'i *Ranona-sy-ranona* antitra eto, na *ity*, oh, *ity* lehilahy ity eto, *ity* vehivavy ity eto. Handeha aho haka azy ireo. Avelao aho hahita anao manao an'izany."

⁶⁵ Fantatr'izy ireo ve fa izany ilay fanahy iray ihany (tsia, tsy fantany) izay nilaza tamin'i Jesosy hoe, "Raha Ianao no Zanak'Andriamanitra, dia raiso, ataovy mofo ireto vato ireto. Raha Ianao no Zanak'Andriamanitra, dia teneno aminay hoe iza no nikapoka Anao teo amin'ny loha. Raha Mpaminany iray Ianao, teneno aminay hoe iza no nikapoka Anao," niaraka tamin'ny vorodamba iray nanodidina ny Tarehiny. Nikapoka Azy teo amin'ny loha, ary avy eo dia nifampiampita an'ilay tsorakazo, nanao hoe, "Teneno aminay, raha Mpaminany iray Ianao. Teneno aminay hoe iza no nikapoka Anao, dia hino Anao izahay amin'izay fotoana izay. Teneno aminay, raha Ianao no Zanak'Andriamanitra. Mahitsy fo izahay ao am-ponay. Raha Ianao no Zanak'Andriamanitra, midina avy eo amin'ny hazo fijaliana dia hino izahay fa Ianao no Zanak'Andriamanitra."

⁶⁶ Manontany aho raha olona maro amin'izao andro izao, ny lehilahy, vehivavy, tanora sy antitra, no tsy mitsangana eo amin'io toerana iray io ihany. Ary hahatsiaro ianareo, indray andro any, fa efa tao amin'Ny Fanatrehany ianareo, teo amin'Ny Loharanony; ary naniry hahita famitapitahana iray, na naniry hahita fitapitaka iray na zavatra iray hafa hoe, "Izany no hanao ahy hino an'Izany. Avelao aho hanana mangorintsina iray ao andamosiko, ary avelao aho hanao an'ity na *itsy*, dia hino an'Izany aho." Hitanareo, ny fientanam-po iray, dia fanompoan-tsampy tsotra izao! Avelao aho . . .

⁶⁷ Fantatrareo, nilaza Jesosy tao amin'ny toe-javatra iray, nametraka fanontaniana iray Izzy. Tiako ny hanontany an'izany amin'ny fiangonana izao hariva izao. Hoy Jesosy hoe, "Nahoana? Nahoana? Nahoana ianareo no miantsa Ahy hoe 'Tomponareo,' nefy tsy manao an'ireo zavatra izay Nandidiako anareo mba hatao? Nahoana ianareo no miantsa Ahy hoe 'Tompo,' nefy tsy mitandrina Ny Teniko? Nahoana ianareo no miantsa Ahy hoe 'Tompo,' nefy mandà an'ireo zavatra izay Nandidiako anareo mba hotorianana sy hampianarina?" Inona izany? Inona no manao an'izany? Izany dia satria io fombafomban'anaram-piangonana io no mitsangana eo anelanelan'izy ireo sy ny Teny. Ary ny zavatra rehetra izay mitsangana eo anelanelanareo sy Andriamanitra, dia sampy iray, maka ny toeran'Andriamanitra izany. Nahoana ianareo no miantsa hoe "Tompo"? *Tompo* dia midika hoe "tompom-pananana," *Tompo* no manana an'ilay

fananana. Ary raha Andriamanitra no manana ahy, raha Azy aho, ka Izy no nanodina ahy indray andro rehefa teo amin'ny lâlan-dratsy aho, ary niantso ahy ho an'ny tanjona iray, dia inona no tokony hataoko afa-tsy ny manatanteraka ny Faniriany, tahaka ny Nataony tamin'i Paoly. Ahoana no ahafahako hanao zavatra hafa afa-tsy ny mitandrina Ny Teniny? “Nahoana ianareo no miantsosy ahy hoe ‘Tompo’?”

⁶⁸ Te-hiantso lehilahy hafa iray aho eto, hijery ny momba azy. Ahoana ny amin'i Jodasy, amin'ny inona no tsy maintsy hahatsiarovany Azy? Miresaka mikasika ny mahatsiaro ny Tompo isika. Jodasy izao hariva izao ary, oh, mandra-pahatonga azy tsy hisy intsony, dia tsy maintsy hahatsiaro fa nivarotra ny fizokiany izy. Nivarotra an'i Jesosy ho an'ny tombontsoa manokana izy. Maneso an'i Jodasy isika. Milaza isika fa izy dia zalahy iray feno loto, ratsy, tsy mendrika ho an'ny toerana iray izy na ho an'ny fiaraha-monina, tsy mendrika ho an'ny Lanitra izy. Nahoana? Nivarotra ny Tompony izy, rehefa avy nanana an'ilay fanararaotra mba ho—ho mpianatra iray mihitsy aza, mba ho apostoly iray, ilay antso avo indrindra ao amin'ny Baiboly, avo kokoa noho ny mpaminany iray. Nanana an'ilay fanararaotra izy mba ho—ho apostoly iray, nefo nivarotra an'izany zò izany ho an'ny tombontsoa manokana. Ary tsy maintsy hahatsiaro an'izany izy ankehitriny. Tahaka an'izany no ahatsiarovany an'i Jesosy: tombontsoa manokana.

⁶⁹ Ary manontany aho hoe firy amin'izy ireny izao hariva izao no mbola mitsangana eo amin'ny polipitra foana, mbola manao an'ilay akanjon'ny antoko mpihira foana, mipetraka eo amin'ny sezan'ny diakona, na maka ny toeran'ny mpitahiry vola, mpitantan-draharaha, na mety ho inona ilay izy, ny toerany ao am-piangonana, na ilay mpitoriteny eo amin'ny polipitra, nefo mbola mivarotra ny fanararaotranay ho an'ny fiderana manokana foana hoe, “Dokotera, Eveka *Ranona-sy-ranona*,” ho an'ny fiderana manokana, tombontsoa manokana.

⁷⁰ Nilaza tamiko ny lehilahy iray indray mandeha hoe, “Mino aho fa izany no Fahamarinana. Saingy raha mitory an'izany aho, dia hangataka eny an-dàlambe.”

⁷¹ Tsaroanareo ve ilay lehilahy manan-karena sy Lazarosy, inona no niafaran'ny toeran'izy ireo farany sy Mandrakizay? Na dia ny anankiray aza nanana . . . dia mpangataka iray, ary ilay hafa dia lehilahy iray nanan-karena, saingy niova ny sary indray andro ka samy afaka nahatsiaro izy roa ireo. Noho izany, ny olona izao hariva izao dia mihorakoraka mikasika an'i Jodasy izay nivarotra Azy ho an'ny tombontsoa manokana, nefo marobe no manao an'ilay zavatra iray ihany amin'izao andro izao, mivarotra Azy ho an'ny tombontsoa manokana.

⁷² Ireo mpisorona tamin'ireo andro ireo koa dia hahatsiaro fa nivarotra ny anjarany mikasika Azy izy ireo, ny anjarany ho

lasa Mpanompony, ho lasa Mpianany, ho lasa niova fo iray ho Azy. Nivarotra an'izany ho an'ny fialonana maitso misy poizina izy ireo. Nialona Ny Foto-pampianarany izy ireo. Nahoana, fony Izy roa ambin'ny folo taona fotsiny, dia afaka nanafintohina azy ireo tamin'ny fomba rehetra Izy; nefà tsy nahafantatra an'izany, hoe izany ny Mesia. Tsy afaka nanao an'ireo zavatra izay Nataony izy ireo. Ary natahotra izy ireo sao ho verin'izy ireo ny lazany eo anatrehan'ilay olona ambony kilasy, ka namidiny ny fanararaotrany. Ary meloka tahaka an'i Heroda mihitsy izy ireo.

⁷³ Ary mitovy amin'izany ilay mambram-pianganana amin'izao andro izao. Raha natoky ny anaram-pianganana sy ny sisa izy ireo, tamin'ireo andro ireo, ka natahotra ny amin'ny-ny amin'ny lazany, ho voaroaka avy ao amin'ireo synagoga, dia inona ilay izy tamin'izany? Fanompoan-tsampy izany! Manompo fanekem-pinoana sampy iray na fivavaham-pianganana sampy iray, raha tokony nanaiky an'ilay Teny velona izay voaseho teo anatrehan'izy ireo.

⁷⁴ Ary nahita ny Tenin'Andriamanitra izy ireo. Hoy ny Baiboly hoe, "Nahita Azy izahay ary nikasika Azy." Nametra-tànana teo amin'ilay Tenin'Andriamanitra velona ara-bakiteny, velona, voaseho ny olombelona; nefà namela ny fombafombany sy ny fanekem-pinoany hijoro teo anelanelan'izy ireo, fanasana vilany sy lapoaly, zavatra feno loto tahaka an'izany no mijoro eo anelanelan'izy ireo sy ilay Andriamanitra velona. Eny.

⁷⁵ Inona izany? Nitsara mialoha izy ireo. Nitsara mialoha izy ireo nanohitra Ny Soratry ny Filazantsarany madio, mazava tanteraka izay Nampianariny, ny Tenin'ny Ray. Nialona Azy izy ireo. Nitsara mialoha ny Aminy izy ireo. Ary raha mbola manana fahatsiarovana iray foana izy ireo, dia, mbola hahatsiaro foana izy ireo ao amin'ny helo, tahaka an'izany no hahatsiarovana azy ireo. Tahaka an'izany no tsy maintsy hahatsiarovan'izy ireo Azy.

Hoy ianareo hoe, "Oh, ireo Fariseo izany."

⁷⁶ Nisy ramatoa kely iray tonga teto amin'ity fiangonana ity taloha. Oh, ataoko angamba fa maro aminareo no mahafantatra azy, mipetraka eo amin'ny lâlambe eto amin'ity lâlana ity izy. Nihemotra izy. Ary isaky ny mahita azy aho, dia mihazakazaka manatona ahy izy, mametraka ny tànany eo amin'ny ahy hoe, "Ranadahy Bill, mivavaha ho ahy. Mpiverin-dâlana aho." Ny vadiny dia ny... Tsia, heveriko fa mipetraka eo amin'ity lâlambe ity mihitsy izy ireo. Efa nahita azy tao amin'ny Fanahy aho, nahita ny Fanahin'Andriamanitra teo aminy, ary izy nandihy, nifaly, sy ny sisa. Ary nihemotra izy. Ary nandry tao amin'ny hopitaly teto izy vao tsy ela akory izay, teo am-pahafatesana, nihevitra izy ireo. Ary naniraka nankaty amiko izy mba ho tonga hivavaka ho azy.

⁷⁷ Tena tsara fanahy tamin'ny vadiko mihitsy izy sy ny vadiny, rehefa ny vadiko, zazavavy kely iray, nitafy rovidrovittra, naloto

tarehy, ka nividy akanjo kely iray ho azy izy ireo na zavatra iray matetitetika, mba hanampy azy handeha any am-pianaranara. Tsy mampaninona na kely toy ny ahoana aza ilay izy, tsy afaka manao zavatra anankiray ho an'Andriamanitra ianareeo ka hoe tsy Tsaroany izany. "Arak'izay nataonareo tamin'ny kely indrindra amin'ireo Madiniko ireo, no nataonareo Tamiko." Ary tahaka ny mofo eo ambonin'ny rano, hiverina izany.

⁷⁸ Nandry teo io vehivavy mahantra, kely, niverin-dalana io, nitomany, nihazona ny tànako. Ary izy... Hoy aho hoe, "Eny, ranabavy, izaho dia—hanao vavaka ho anao aho."

⁷⁹ Ary nandry teo amin'ny fandriana teo akaikiny dia nisy vehivavy iray nandry teo niaraka tamin'ny tànany nikombona, njery ah. Ary ny zananilahy tanora nipetraka teo anilany, teo amin'ny roapolo taona teo, mitovy amin'ny ricky moderina iray.

⁸⁰ Noho izany, tsy hoe tsy manaja raha tsy maintsy ho Ricky ny anaran'olona iray, fa ny tiako lazaina dia hoe izany dia... tsy nandre anarana iray tahaka an'izany mihitsy ianareo tamin'ireo andro lasa. Elvis sy Ricky, anarana iray an'ilay taona fotsiny izany, hitanareo. Raha manana zanaka iray manana an'izany anarana izany ianareo, dia antsoy amin'ilay fanampin'anarany afovoany izy, noho izany, na omeo anankiray izy.

⁸¹ Noho izany rehefa nipetraka teo tahaka an'izao izy, njery, ka nanomboka nanondrika ny lohako aho, ary hitako izy toa tena... Hoy izy hoe, "Andraso iray minitra! Sintony io lamban'efitra io!"

⁸² Hoy aho hoe, "Hanolotra vavaka iray ho an'ilay ramatoa fotsiny aho. Ianao ve tsy—ianaو ve tsy mpi—mpino iray?"

⁸³ Hoy izy hoe, "Hoteneniko aminao ankehitriny, Metodista izahay, ary tianay ianao hisintonia an'io lamban'efitra io!"

"Eny, madama," dia nosintoniko ilay lamban'efitra.

⁸⁴ Hitanareo, ilay zavatra iray ihany. Ilay zavatra iray ihany amin'izao andro izao, tena mitsara mialoha! Ahoana no nahafantarany hoe karazana mpitoriteny iray inona aho? Tsy mbola nahita an'ilay vehivavy mihitsy aho. Fa mety efa nandre olona anankiray angamba izy nilaza fa nino ny fanasitranana ny marary aho, nefy izy efa nampianarina hanohitra an'izany. Tsy nisy nidirany tamin'izany, nanasa ny tànany tamin'izany izy. Natahotra izy sao hianjera eo aminy izany. Aza manahy, tsy hahasasa izany, tahaka ny tsy nahafahan'i Pilato nanasa an'izany hiala teo amin'ny tànany.

⁸⁵ Ankehitriny, tsy milaza na inona na inona manalabaraka ny olona Metodista izany; vehivavy anankiray fotsiny izany. [Elanelana tsy voaraki-peo—Mpand.] Hitanareo? Mety ho efa toetrary fotsiny izany. Tsy mihevitra aho fa ho tahaka an'izany ny olona Metodista rehetra, satria efa nivavaka ho an'ny maro tamin'izy ireny aho. Miantso ah y izy ireo mba hivavaka ho

azy ireo, ary efa natao teo anivon'izy ireo ny famantarana sy fahagagana. Tsy ireo olona ao amin'ny fiangonan'izy ireo mihitsy ilay izy; ilay izy dia ilay rafitra izay eo ambonin'izy ireo, izany no manao an'ilay izy. Fa iray amin'ireo karazana ireo izy. Inona izany? Poizina maitso maso tanteraka, fialonan'ny azon-devoly.

⁸⁶ Afaka milaza zavatra iray aho. Tao—tao amin'ny fivoriana anankiray izay teto amin'ny tanàna teto indray mandeha, ary nanontany izy ireo hoe nahoana no tsy niantso ahy ho amin'izany izy ireo. Fa havelako fotsiny izany satria ato an-trano aho. Fa, ary na izany aza, tsy misy antony, fialonana fotsiny ilay izy, fanekem-pinoana izany, fanompoan-tsampy izany. Toy ny ahoana no hitiavantsika hanipy ny sandrintsika eo amin'ny tsirairay avy, saingy rehefa lavina ianareo... Naniry hanao an'izany Jesosy. Tsarovy, indray andro any dia tsy maintsy hahatsiaro an'izany ianareo. Tsy maintsy hahatsiaro an'izany ianareo.

⁸⁷ Mampahatsiahy ahy fijoroana vavolombelona iray izany izay natao vao haingana. Mpitoriteny iray, ary teo ambonin'ny tohatra miakatra iray izy, teto tao amin'ny Heyburn Building. Ary nisy lehilahy telo tao nitsangana niaraka tamin'ity mpitoriteny ity teo amin'ilay—teo amin'ilay tohatra, ary izy ireo—tsy fantatr'izy ireo fa mpitoriteny iray ity lehilahy ity, tsy mihevitra aho. Ary raha niakatra izy ireo, dia nijanona tao amin'ny rihana fahavaloo izy rehetra ireo. Ary nijery an'ilay mpitoriteny ny lehilahy anankiray, ka nanao hoe, "Mba fantatral moa? Tena saiky akaikin'ny Lanitra tahaka an'izay ho azontsika izao."

⁸⁸ "Eny," hoy ilay mpitoriteny, "izaho—ataoko fa marina ny anao. Izaho—ataoko fa marina ny anao, satria raha mbola matoky foana an'ireo fahamendrehantsika manokana foana isika, dia izany no akaiky izay hany hisy antsika." Marina izany. Raha mbola matoky an'izay ataonareo foana ianareo, dia mahatsiaro an'izay nataonareo. Ary azoko antoka fa ny ankamaroantsika dia mahafantatra fa tsy nanao na inona na inona isika, tsy mendrika na inona na inona isika. Hoy izy, "Ataoko fa raha matoky an'ireo fahamendrehantsika manokana isika, dia izany no lavitra izay hany handehanantsika." Eny, raha matoky isika, dia izany no lavitra izay hany handehanantsika.

⁸⁹ Fa, oh, tiako ny hilaza zavatra iray. Raha afaka manadino an'izay naha-izy ahy aho, ka mahatsiaro an'izay maha-izy Azy, raha afaka mahatsiaro an'i Jesosy aho, raha afaka mahatsiaro Azy teo amin'ny hazo fijaliana aho, raha afaka mahatsiaro an'izay Nataony ho ahy aho, ary afaka mahatsiaro ny ora izay Nanasany ny fahotako, sy nanome ahy ny Fanahy Masina mba hitari-dàlana ahy, amin'izay fotoana izay dia nakarina ambonin'ny zavatra rehetra izay mihazona an'ity tany ity aho. Nakarina ambonin'ny zavatry ny tany rehetra aho, nankao amin'ireo toeran-Danitra ao amin'i Kristy Jesosy,

izay ahafahako miombona Aminy. Eo amin'Ny Fanatrehany, manadino an'izay hany naха-izy ahy, manadino ny fahotako rehetra sy ny sisa, satria ao amin'ny Ranomasin'ny Fanadinoana izy ireo. Manadino ny lasako rehetra, manadino ny zavatra rehetra, ka mahatsiaro fa Nataony ho Azy Manokana aho, tamin'ny alàlan'ny Fahafatesany Manokana. Izy no naka ny toerako. Ary izaho izay tsy nanana zò handeha na aiza na aiza afa-tsy nankany amin'ny helo, dia Izy no naka ny toerako ka nampakatra ahy avy tao amin'ny helo. Izy no nandeha tany ho ahy. Ary nampakatra ahy Izy tamin'ny alàlan'ny hahaben'ny Fahasoavany, hany ka zanakalahy sy zanakavavin'Andriamanitra isika ankehitriny, ary mipetraka ao amin'ireo toeran-Danitra ao amin'i Kristy Jesosy isika, mifaly mandrakariva sy mahatsiaro Azy Izay nitondra antsika ho voaaro hatreto. Ary miaraka amin'ny finoana manetsiketsika ao anatin'ny fanahintsika, manery antsika, ary amin'ny alàlan'ny fahasoavana no Hitondrany ahy.

⁹⁰ Ary amin'ny alàlan'ny mason'ny finoana no ahitako Ny Sorany tanteraka hoe, “Izay rehetra Fantany mialoha, no Nantsoiny; izay rehetra Nantsoiny, no Nohamarininy; ary izay rehetra Nohamarininy, no Nomeny voninahitra.” Noho izany miaraka amin'izany ao an-tsaina, dia mitsangana ao amin'ny fiangonan'ny olona aho, izay misy ny Fanahin'Andriamanitra, sy nakarina mba hipetraka ao amin'ireo toeran-Danitra ao amin'i Kristy Jesosy. Miandry an'ilay ora izay misy an'ity endrik'olombelona ratsy manana fidoboky ny fon'ny mety maty iray ity, ka tsy maintsy hijanona indray andro any, rehefa hovaina izany ka homena fo iray an'ny Fanahy izay hidoboka mandritry ny fotoana tsy manam-pitsaharana rehetra any ankoatran'izany, tsy misy aretina, tsy misy alahelo, tsy misy fahanterana na inona.

⁹¹ Tsarovy Jesosy. Rehefa miha-foana ireo barika ao an-trano, ka tsy misy koba intsony, dia tsarovy Jesosy. Rehefa milaza ny dokotera fa tsy misy anjara intsony, dia tsarovy Jesosy. Rehefa maka fanahy anareo ny devoly; araka ny hihirantsika ny hira fampiravantsika hoe, “rehefa miangona manodidina antsika ny fakam-panahy, dia bitsihio am-bavaka io Anarana Masina io.”

⁹² Mahatsiaro an'i Jesosy, mahatsiaro fa ho avy indray Izy. Ilay Jesosy iray ihany izay nesorina niala tamintsika dia hiverina indray tahaka ny nahitantsika Azy nandeha nankany Andanitra. Tsarovy, hiverina ho an'ireo Azy Manokana Izy.

⁹³ Ndao isika hivavaka, ary miaraka amin'ny lohantsika miondrika. Ary miaraka amin'ity Hafatra kely tapatapaka ity mbola ao am-ponareo, dia tianareo hahatsiaro anareo ve Izy ankehitriny? Raha tianareo, dia atsangano fotsiny ny tanganareo, ary zavatra iray manokana hoe, “Tompo, tsarovy aho.” Tahaka ny nolazain'ilay poetry hoe, “Tsarovy aho rehefa miraraka ireo ranomaso.”

⁹⁴ Ry Rainay Masina Indrindra, mankasitraka feno ny Fanatrehan'ny Fanahy Masina izahay, raha Nasehony anay ny Tenin'ny Fiainana, raha mahatsiaro an'ilay lavaka izay nihadiana anay ka nesorina avy tao amin'io lavaka io izahay ankehitriny ka nolasirina ho zanak'Andriamanitra, tamin'ny alàlan'ny fahasooavan'i Jesosy Kristy. Mahatsiaro Azy aho, rehefa njery nanatrika ahy ny dokotera iray ka nanao hoe, "Minitra vitsy amboniny fotsiny ilay izy," mahatsiaro an'i Jesosy aho. Mahatsiaro an'i Jesosy aho, rehefa teo amin'ny alitara niantsoantso famindrampo ary navesatra entana ny fanahiko, mahatsiaro an'ilay entana niala tamiko aho. Jesosy no nitondra ny enta-mavesatro. Volana vitsy lasa izay, nipetraka teo amin'ilay dabilio, njery teo amin'ilay masolaviry ny vavam-basy iray, mba hitifitra fikendry iray, ary tsy maintsy nieritreritra i Satana hoe, "Izao no fanararaotrako ankehitriny." Ary rehefa nipoaka ilay basy, ka nandeha tamin'ny lèlana rehetra ilay tranom-bala sy fitehirizana ary ny fihetsik'ilay basy, ary nanidina nanodidina ahy rehetra ny afo, ary nanandrana ny hitsangana aho, ka niboiboika ny rà, dia tsaroako fa Jesosy izany. Rehefa ilay dokotera, rehefa njery izy ka tsy nahita ratra, dia hoy izy hoe, "Ny zavatra tokana izay fantattro, dia hoe tsy maintsy ny Tompo no nipetraka teo, ihany koa, niaro ny Mpanompony, tokony ho efa nipoaka potipotika tamin'ny alàlan'ny fipoahana iray tahaka an'izany izy." O Andriamanitra, toy ny ahoana no ahatsiarovanay rehetra an'ireo zavatra ireo!

⁹⁵ Manatona an'ilay Loharano feno Rà izahay, nosintonina avy tao amin'ireo lèlana-dràn'Imanoela. Tahio izahay, Tompo, miaraka izao hariva izao. Fantatrao ny-ny tanjona sy ny antony ao ambadiky ny fo tsirairay izay nanangana tènana iray. Fantatrao ny faniriiana sy ny ilaina. Ary amin'ny maha-Mpanomponao, Tompo, izaho-tonga miaraka amin'izy ireo aho, ary-ary miala avy eto amin'ity tabernakla ity ankehitriny (amin'ny finoana) dia mandeha izahay, any ankoatr'ireo rahona sy volana, sy ireo kintana ary ilay-ilay lèlana fotsy toy ny ronono, ary ankehitriny dia tonga ao amin'ny Fanatrehan'Andriamanitra izahay. Ary mivelatra manerana eo alohako dia misy alitara volamena iray, eo amboniny no mipetraka ilay Fanatitra izay tsarovanay, Jesosy, izay nanao hoe, "Angataho amin'ny Ray amin'Ny Anarako fotsiny ny zavatra rehetra, Izaho dia-ho Ekeko izany." Aoka tsy ho levona ny finoanay, Tompo, fa aoka izahay hahatsiaro fa mahazo an'izay angatahanay izahay, raha inoanay izany, raha mahatsiaro izahay fa Jesosy dia maty mba hiaro an'izany ho anay sy hanao an'izany ho azo antoka.

⁹⁶ Tompo, hitanay fa mampitombo ny tranobenay Ianao. Ianao no nanao an'izany ho anay, izay nanome anay an'ity fanitarana ny fiangonana ity. Ary fantatray fa Ianao izany, Tompo,

Izay nanome anay an'ilay fiangonana tany amin'ny voalohany. Mivavaka izahay mba Hitahianao an'ireo ezaka rehetra ireo.

⁹⁷ Tompo, mivavaka ho an'ny pasiteranay izahay, Rahalahy Neville, ny Mpanomponao manetry tena sy tsara fanahy, mahatoky. Manaiky ny hitandrina amin'ny fahaiza-manao rehetra, tsy mamparinona na any amin'ny sezà any aoriana izany na hanadio ny fiangonana. Na aiza na aiza I lainao Azy, dia eo no itiavany ho fitaovana, hanompo Anao na aiza na aiza I antsoanao. Mivavaka izahay, Andriamanitra, mba—mba Hitahianao azy.

⁹⁸ Andriamanitra, io fizahan-toetra izay vao avy nandalovako io, ka nitsangana teo anilako ireto mpitantan-drahahaha ireto, ary ity fiangonana ity izay—izay nivavaka ho ahy, ka farany dia tonga ny fandresena. O Andriamanitra, mivavaka ho azy ireo aho. Izaho dia mahatsiaro azy ireo, ihany koa, Tompo, ary azoko antoka fa mahatsiaro Ianao.

⁹⁹ Mahatsiaro an'ireo fitahiana izay efa Nomenao anay izahay. Ary mahatsiaro Ny Teninao izahay, hoe tsy handao anay mihitsy Ianao na hahafoy anay. Tsy misy hidiran'ny fahanterana izany, mbola hahatsiaro anay foana Ianao, rehefa tsy hisy intsony izao tontolo izao ka hanjavona ao anatin'ny Mandrakizay ny fotoana. Zavatra iray tahaka an'izao no voasoratra hoe, “Mety manadino ny zazakeliny minono ve ny reny iray? Izaho tsy afaka hanadino anao mihitsy. Efa nataoko sokitra eo amin'ny Fela-tanako ianao,” ireo fantsika izay nanao sokitra ny anaranay. Fantatray fa mahatsiaro anay Ianao, Tompo.

¹⁰⁰ Ary enga anie Ianao ho ao amin'ireo fahatsiarovanay any amin'ny fototra indray, amin'ny maha-Mpamonjy anay, Mpanasitrana anay, Mpanjakanay, Mpitia anay, Fiainanay, Masoandonay, ny Rehetra-amin'ny-Rehetra anay, ilay loharanom-pahasoavana sy fitiavan'Andriamanitra tsy mety ritra ho an'ny olombelona lavo avy amin'ny fianakavian'i Adama. Ekeo izany, Tompo, raha mametraka ny tenanay Aminao izahay ankehitriny, handeha hiala amin'ny tabernakla izao hariva izao, mahatsiaro an'i Jesosy. Amena.

¹⁰¹ Mahatsiaro Azy ve ianareo? Tianareo ve Izy? [Hoy ny fiangonana hoe, “Amena.”—Mpand.] Heveriko ankehitriny, ao amin'ny Hafatsika kely tapatapaka, dia mety hilaza an'izao isika. Hoy i Paoly hoe, “Na inona na inona ataontsika, dia ataontsika ao amin'ny Fanahy.” Ao amin'ny zavatra rehetra dia tokony hahatsiaro Azy isika. Aoka isika tsy handray fanapanahan-kevitra iray raha tsy mahatsiaro Azy; aoka isika tsy hanao na inona na inona, satria ho maimaika izany. Raha mamelaka eo amin'ny ilany iray an'ny takolaka ny fahavalo, dia aoka isika hahatsiaro an'izay Nataony alohan'ny hamaliantsika felaka. Aoka isika hahatsiaro ny Fihetsiny. Raha misy fanapanahan-kevitra iray ho raisina, dia aoka isika hiandry, hahatsiaro hoe karazana fanapanahan-kevitra inona no heverintsika ho Nataony,

avy eo dia aoka ho izany no fanapahan-kevitsika. Raha maika isika, dia aoka isika hahatsiaro fa tsy maika mihitsy Izzy. Hitanareo? Raha be fanahiana loatra isika, dia tsarovy fa mitoetra ao amin'ny Mandrakizay Izzy, tsy midika na inona na inona Aminy ny fotoana. Ilay izy dia ny antony sy ny tanjon'ny fontsika. Ndao isika hahatsiaro Azy.

¹⁰² Ary ndao isika hahatsiaro Azy ankehitriny raha mihira an'ity hira ity ao amin'ny Fanahin'Ny Fanatrehany, *Tiako Izzy*. Raha mitoetra amin'ny fitiavana ianareo, dia mitoetra ao amin'Andriamanitra, satria Andriamanitra dia fitiavana. Ireo izay mitoetra ao amin'Andriamanitra dia mitoetra ao amin'ny fitiavana. Hitanareo? Ary tsy manana fankahalana ny fitiavana. Tsy mialona ny fitiavana. Tsy mieboebo ny fitiavana. Tsy ratsy fitondra ny tenany ny fitiavana. Malemy fanahy foana ny fitiavana, mora fanahy, mamela, tsara fanahy. Tsy mampaninona na mangidy toy ny ahoana ireo hafa, mijanona ho tsy miova ny fitiavana. Ny fitiavana no teny faran'ny fahasovana. Ny fitiavan'Andriamanitra no fara-teny ho antsika. Aorian'ny anjavonan'ireo fanomezam-pahasoavana hafa rehetra sy ny sisa, ireo faminantsika, ireo fiteny tsy fantatra antsika, ireo fandikantsika, izay rehetra hany nataantsika, na inona koa, rehefa tonga ny fitiavana, dia izany no teny farany. Ambonin'ny rehetra izany, satria ny hafa rehetra dia tsy mahomby. Izany no—izany no fanapahan-kevity ny Fitsarana Tampony. Izany no Andrim-pamatorana. Izany no Kintana Avaratra izay mihzona ny hahavo ho an'ilay tantsambo. Izany no Famantaran'avaratra izay mitari-dàlana antsika. Ny fitiavana no teny farany. Ndao isika hahatsiaro an'izany raha mihira isika hoe, “*Tiako Izzy*.”

Tiako Izzy, tiako Izzy
 Satria nitia ahy mialoha Izzy
 Ka nividy ny famonjeko
 Teo amin'ny hazon'i Kalvary.

Tiako Izzy, tiako Izzy
 Satria Izzy aloha . . .

Tsarovy ankehitriny, “Nitia ahy Izzy, ka nanome Ny Zanany.”
 Ka nividy ny famonjeko
 Teo amin'ny hazon'i Kalvary.

¹⁰³ Ankehitriny raha mbola mitendry an'izany hira izany ho antsika ny anabavintsika, [Manomboka misamonomonona ny *Tiako Izzy* Rahalahy Branham—Mpand.] ndao isika ao amin'ny hamamian'ny fiombonana fotsiny, raha miara-mipetraka ao amin'ireo toeran-Danitra ao amin'i Kristy isika, esory ny rehetra ankehitriny, ny zavatra rehetra avy ao amin'ny fonareo. Ary tsarovy, ny Tenin'Andriamanitra no miteny an'izany. Mpanompony aho. Eto Izzy. Noho izany dia ndao isika handray tânana ny olona, ka hanao hoe, “Andriamanitra hitahy anao,

rahalahy.” Raha manana fahavalo iray ianareo, mitsangàna ka mandehana mankeo aminy, hitanareo, “Andriamanitra hitahy anao, rahalahy,” raha mihira ny isan’andininhy indray isika ka mifandray tànana. Tsy hataonareo ve izany ankehitriny, tena moramora mihitsy ao amin’ny Fanahy.

Tiako Izzy, (Andriamanitra hitahy anao, Rahalahy Roy)...tiako Izzy

Satria . . . nitia ahy mialoha
Ka nividy ny famonjeko

[Mandray tànana Rahalahy Branham.] . . . ? . . . Miaraka amin’ny tànantsika mitsangana ankehitriny.

Tiako Izzy, tiako Izzy
Satria . . . (Tsarovy Jesosy!)
Ka nividy ny famonjeko
Teo amin’ny hazon’i Kalvary.

¹⁰⁴ Ndao isika hanondrika ny lohantsika ankehitriny ka hisamonomonona an’izany. [Manomboka misamonomonona ny Tiako Izzy Rahalahy Branham—Mpand.] Mahatsiaro an’i Jesosy! [Manohy misamonomonona Rahalahy Branham.]

. . . nitia ahy mialoha.

[Manohy misamonomonona Rahalahy Branham.]

¹⁰⁵ Ankehitriny raha mitendry ny anabavintsika, moramora sy malefaka, dia hangataka ny rahalahintsika tsara aho. . . . Rahalahy Neville, manana teny iray tianao ho lazaina ve ianao, na inona na inona? Eny àry. Hangataka an-dRahalahy Collins ery aoriana ery aho, ny rahalahintsika mahatoky, kely eto, iray amin’ireo mpiara-miasa, raha handrava antsika amin’ny vavaka izy. Raha manondrika ny lohantsika isika, Rahalahy Collins. 

MAHATSIARO NY TOMPO MAG62-1209
(Remembering The Lord)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 9 Desambra, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org